

## Qimmit saluttut Taavami?

Politiiniit imal. Uumasut nakorsaaniit qimmit salunnerarlugit paasitineqaruit makkua nalunngittariaqarpatit:

- Qimmivit puallarsernissaanut periarfissinneqassaait. **TAMANNA ATORUK!**
- Qimmitit puallarseqquneqarpata taava saluppallaarsimassapput. Qimmit salunneri pissutigalugit assortuisoqartariaqanngilaq. **Uumasut nakorsaat qimmit nalilernissaanut ilinniarnikuuvoq.**
- Qimmit puallarsersimangikkukkit uumasunik naalliutsisisutut politiinut unnerluutigineqassaait. Tamannalu tamatigut qimmimut saluttumut ataasiakkaarlugit akiliisussanngortineqarsinnaallutit. Nutaamillu qimmit puallarsernissaanut periarfissinneqassaait.
- Qimmit taamannak saluinnarpata toqunneqassapput. Qimmitit toqunneqarpata aammaarlutit akiliisitaqqissuutit.

**QIMMIT NERISITTANNGIK-  
KAANNI AKISUSINNAAVOQ**

## Qanorililluni qimmeq puallarserneqarsinnaava?

Qimmeq puallarserniaraanni pigaaruteqarpoq:

- *ULLUT TAMAASA* nerisinnissaat.
- *NERISASSANIK PITSAASUNIK* tunisarnissaat
  1. nerisassat panertut
  2. puisi
  3. orsoq
  4. qaleralik
  5. saarullik
- Eqqaamallugu qimmit *IMERNIS-  
SAANUT PERIARFISSAQAR-  
NISSAAT*
- Qumaajarsimangippata qumajakkit.

Nerisilluaraanni qimmeq naliginnaasumut puallartinneqarsinnaavoq sap. akunneri 2 atorlugit

Qimmeq puallarserniaraanni pisariinnerpaajuvoq *nerisassanik panertunik 500 gr miss. ullormut* tunisarlugu aammalu taamattunik nerereerpata aalisagartortillugit pisinnaasai tamaasa. Aamma puisit neqaanik puallarserneqarsinnaapput, *ullormullu* neqi 2 kg miss. tunniunneqassaaq saniatigullu aalisakkanik nerisinnaasai .

Tamakkuvalu puallaatiginngippagit uumasut nakorsaat attavigiuk.

## Qimmera saluppaa?

Qimmeq salunnersoq nalorniguit *attorlugu* misissussavat.

Qimmimi naliginnaasumi saarngit **tungimiittut** aammalu **qiteralii siffiaata akornanniittut** malunnartussaangikkaluarpur.

Qimuttoq inersimasoq ima oqimaatsigisussaavoq:

- Angutiviaq angisooq 45 kg
- Angutiviaq mikisoq 35 kg
- Arnaviaq angisooq 35 kg
- Arnaviaq mikisoq 25 kg



**EQQAAMALLUGU QIMMIT  
ULLORMUT IKINNERPAAMIK  
1-LUGIT ALAKKARNISSAAT**

## Aasakut ukiukkullu nerisitsineq

Qimmit aasakut uninngaannaraangata ukiukkut nerisarnerattut nerisittarnissaat pisariaqanngitsoq nalunanngilaq. Aasakut kissassernissaminnut nukiit ikinnerusut atortarpaat sulinngikkaangamillu nukiit annikinnerit atortarlunikkit. Kisiannili isumaanngilaq naliginnaasumik oqimaassusertik affaannanik aasakut oqilinissaat. Naliginnaasumik oqimaassutsip 50%-a katakkaanni sanigortarput orsoq nukiillu annertuut katanneqartarlutik. **Qimmit uumasunut allanut naleqqiullugit allaanerussuteqanngillat.**

## Qimmiaraatikka nerisissavakkaa?

Angisuunik peqqissunik qimmeqarusukkaan- ni qimmiaqqat sap. akunneri 4-nik utoq- qaassuseqaleraangata nerisinneqartas- sapput. Taamaasilluni pitsaasumik alliar- torsinnaapput kusanarlutik peqqillutillu. Eqqaamajuttaaq qimmiaraatitit ullut ta- maasa mikineraniit oqaluuttassangakkit nujuillisarput tigujuminarnerullutillu pitun- neqarnialerunik pituussaartoorunilluunniit.

## Qimmikka qiulertarpaat?

Qimmit torsusuumik meqqoqanngikkaanga- mik qiulianerusarput. Meqqui torsunngik- kaangamik nukippassuit atorlugit kissasser- tarput.

Qimmeq torsusuumik meqqoqaraangami nerisassat annikinnerusut kiassarnissa- minnut nerisarpaat. Meqqoritsitsinniaraanni pitsaasunik nerisariaqarput.

**Qimmit panertumik nalaffissaqartaria- qarput.**

Meqqut masakkaangata qiulilernissaq ajornannginnerulersarpoq. Taamaattumik qimmit masannginnissaat isumangiuk aammalu panertumik nallaveqarnissaat.

## Qimmit imeqartinnissaat eqqaamajuk

Kikkut tamarmik imermik pisariaqartitsi- sarput ingammik sila kiatsillugu. Pigaaru- teqarpoq qimmit imeqartittuarnissaat soorlu uangut qilaleraangatta imerusuttartungut.

Qimmit orninneratigut taamaallaat imertittaraanni takananiinnermi imersin- naaneq ajorput papavallaarnertik pissuti- galugu. **Taamaattumik qimmivit imeqartittuarnissaat isumangiuaruk.**

Uumasut nakorsaata qimmitit imeqanngitsut qilattullu takungunigit politiinut unnerluussaassaait uumasunik naalliutsitsisutut.

# UUMASUT NAKORSAAT QIMMIT PILLUGIT PAASSISSUTISSII- VOQ



**Qimmeq qimuttoq naliginnaa- sumik nukissaqartariaqarpoq.**

**Nalorniguit uumasut nakor- saanut sianerit.**